

A termina e curso cu exito

10 Polis ta certifica pa examinador di rijbewijs

RECIENTEMENTE e agentenan policial di e departamento di Examen Rijbewezen a participa den un curso intensivo pa bira e proximo examinatoren nobo.

Despues di algun dia di curso y preparacion 10 agente policial ta termina esaki cu exito y awor ta certifica pa por duna examen.

Un preparacion cu hopi dedicacion pa asina amplia e conocimiento y capacidad di e agentenan di BER pa asina nan por sigui desaroyanan mes.

Den presencia di altocomisario di Polis drs. Ramon Arnhem como tambe staf di Cuerpo Policial Aruba a celebra e momento aki special hunto pero tambe a haci entrega oficial



di e certificado na cada un 10 cursista.

Masha pabien na cada un cursista cu a pasa e examen exitoso y awor ta cla pa pone nan conocimiento di e departamento di Examen Rijbewezen.

Despues di algun luna intensivo

3 Polis a termina estudio di liderazgo TOL-C cu exito



TRES agente policial a sigui estudio specialisa di liderazgo yama TOL-C. Un estudio avansa y pisa na unda nan tabata determina y a aplica pa asina desaroyanan capacidad. E meta di Cuerpo Policial Aruba ta pa inverti den e agentenan policial pa nan por sigui desaroya nan habilidad y conocimiento pa e organisacion policial. Formando lidernan hoben nobo y cu un vision fresco pa carga e generacion nobo cu lo hiba KPA padilanti.

E estudio di liderazgo tabata bou direccion di docentenan Academia Policial Hulandes y cu e estudio final a tuma luga na Corsou. Conhuntamente cu diferente Cuerpo den region e estudio aki a wordo realisa pa asina duna oportunidad pa desaroyo nobo y hisa e nivel den e cuerpo.

Masha pabien na e tres coleganan cu a traha hunto pero tambe na e docentenan cu a haci e trayectoria di guianan den e proceso riba nivel halto pa asina nan por termina nan estudio exitoso!

